

四庫全書

子部

欽定四庫全書

子部

御定淵鑑類函卷八十九

詳校官宗人府府丞臣寶光萬

主事臣祁韻士覆勘

總校官檢討臣何思鈞

校對官中書臣胡紹基

謄錄監生臣龐兆懋

欽定四庫全書

御定淵鑑類函卷八十九

設官部二十九

治書侍御史
殿中侍御史

侍御史
監察侍御史

蘭臺令史

御史主簿

治書侍御史一

原杜氏通典曰治書侍御史舊御史中丞也初漢宣帝
元鳳中感路溫舒尚德緩刑之言秋季後請讞時帝幸
宣室齋居而決事令侍御史二人治書治書御史起於

此也後因別置冠法冠有印綬與符節郎共平廷尉奏

事罪當輕重後漢亦二人銅印青綬選明法律者為之

蔡質漢儀曰選御史高第者補之凡天下諸讞疑事掌以法律當其是

非自桓帝之後無所平理苟充其位而已魏置持書執

法掌奏劾而持書侍御史掌律令二官俱置宋史曰魏置御史八

人有持書曹掌考課不知餘復何曹晉置四人太始四年又置黃沙獄持

書侍御史一人秩與中丞同掌詔獄及廷尉不當者皆

理之後并江南遂省黃沙持書侍御史及太康中又省

持書侍御史二員魏晉以來持書侍御史分掌侍御史
所掌諸曹若尚書二丞宋代掌舉劾齊梁並同皆統侍
御史自宋齊以來此官不重自即官轉持書者謂之南
奔

梁謝幾卿自尚書三公侍郎為持書侍御史頗失志多陳疾臺事略不復理是也

梁天監初

始重其選車前依尚書二丞給三騶執盛印青囊舊事
糾彈官印綬在前故也後魏掌糾禁內朝會失時服章
違錯饗宴會見悉所監之北齊亦有焉後周有司憲上
士二人亦其任也隋又為持書侍御史臺中簿領悉以

主之唐永徽初高宗即位以國諱故改持書侍御史為

御史中丞龍朔二年改為司憲大夫咸亨元年復為中

丞三人亦時有內供奉

本有一人聖歷中加二人尋省先天中復置

職副大

夫通判臺事

開元二十一年三月置京畿都採訪處置使以中丞為之

增續文獻

通考曰宋無元侍御史之下有持書侍御史二人明罷

御史臺不設

治書侍御史二

原冠法冠

評疑讞

胡廣漢官儀曰御史四人持書皆法冠法冠者秦始皇滅楚以其君

冠賜御史一名柱後一名獬廌獸名一角知人曲直觸邪佞故執法者冠之續漢書百官表注曰治書侍御

史秩六百石評糾察六品慰勞四方志曰治書侍

御史糾察六品以下惠帝以後無所平治備位而已魏氏春秋曰荀寓字景伯為治書侍御史慰勞四方

增周遷三臺

意出衆表

後漢書曰蔡邕以侍御史遷持書御史又遷尚書三

日之間周遷三臺事文類聚曰劉子翊為持書侍御史每朝廷疑議子翊為之辯析多出衆人意表

典行臺獄

持協律令

魏志曰明帝幸許昌召王觀為治書侍御史典行臺獄時多倉

卒喜怒而觀不阿意順旨事文類聚曰乘輿臨諫堂則持書侍御史持協律令於階側以備顧問

用干子

劾奏劉昉

隋書曰柳或遷治書御史於時刺史多任武將類不稱職或上表曰

伏見詔書以上柱國和干子為杞州刺史其人年垂八十鍾鳴漏盡弓馬武用是其所長治民涖職非其所解上善之干子竟免又曰梁毗為治書御史時京師饑上令禁酒劉昉使妾賃屋當壚酤酒毗劾奏昉有詔不治昉鬱鬱不得志

治書侍御史三

原評廷尉獄事

漢百官公卿表曰宣帝令侍御史二人治書評廷尉獄事

治廷尉

奏事

漢官典職曰治書侍御史二人治廷尉奏事罪當輕重

選明法律

百官表注曰治

書侍御史選明法律者為之

準繩之官

繆世應石鑒碑曰君為治書御史朝廷以公雅節不

羣直方其道仍授準繩之官類居爪牙之任鷹跼虎視而庶僚風靡

石鑒直方

詳上詔

王仲為治書

晉起居注武帝詔曰故司空王基夙為先帝授任基子尚書郎仲其以為治書御史

後來之俊

山公啓事曰治書侍御史王啓識朗明正後來之俊也

詔陳壽為

治書

王隱晉書陳壽傳曰杜預將之鎮入辭啓曰蜀有陳壽才史通博宜補黃散之職帝曰卿何說晚壽

可作治書侍御史不須對惟正詔即手詔用壽為治書侍御史

增道悅正已

曰後親書

悅拜治書侍御史正已當官彈強禦暴奏舉任城王澄等免官高祖詔褒美之

高柔省訟

親志

曰高柔為治書侍御史執法民間數有誹謗妖言帝疾之有妖言輒殺而賞告者柔上疏曰今妖言者必戮告之者輒賞既使過誤無反善之路又將開凶狡之厚植誣罔之漸誠非所以息奸省訟緝熙治道也

端

笏整容

隋書曰柳或為持書侍御史時左僕射楊素當塗貴重常以小謹勅送南臺素恃貴重坐或牀

或自外來于塔下端笏整容謂素曰奉勅理公之罪素
述下或據案而生立素于庭辨詰事狀素由是銜之

百僚敬憚

事文類聚曰抑或為持書侍御史當朝正色百僚敬憚上嘉其直謂或曰大丈夫當

立名于世無苟容而已賜錢十萬米百石

百僚震慄

又曰梁毗陸知命並拜持書侍御史在朝

儼然正色時齊王頗驕縱暱近小人知命劾奏百僚震慄

服賜其公

又曰游元兼持書侍御史

宇文述軍敗帝令元理其獄述時貴倖勢傾朝廷遣家僮造元有所請屬元不之見持之愈急仍以狀劾之帝

嘉其公正於是賜朝服一襲

伏伽誠直

唐書曰孫伏伽拜治書侍御史時軍國多事賦歛繁

重伏伽屢奏請改革舊政高祖並納之因謂裴寂曰隋末無道上下相蒙朕撥亂反正志在安人每虛心接待冀聞謠言然惟李綱差盡忠款孫伏伽可謂誠直餘人猶踴弊風俛眉而已豈朕所望哉

制出無

喜

事文類聚曰孫伏伽為治書侍御史先被內旨而制未出歸臥其家無喜色頃之與吏至門子弟驚白伏

伽徐起見之人稱其有量

不復議讞

風俗通曰頃者廷尉多牆面而苟充茲位治書侍御史不

復議讞里語曰縣官漫漫冤死者半

治書侍御史四

增詩梁吳均入蘭臺贈王治書僧孺詩曰故人揚子雲
校書麟閣下寂寞少交游紛綸富文雅予為隴西使寓
居洛陽社相思非不深行行避驄馬

侍御史一

原杜氏通典曰侍御史於周為柱下史老聃嘗為之秦

時張蒼為御史主柱下方書亦其任也又云蒼為柱下

御史

史記如淳曰方板也謂事在板上也秦以上置柱下史蒼為御史主柱下事或曰主四方文書也又

職官錄曰秦改柱下史為侍御史

一名柱後史謂冠以鐵為柱言審固

不撓也亦為侍御史漢因之凡十五員

漢舊儀曰漢御史員四十五人

皆六百石其十五人俱給事殿中為侍御史宿廬在石渠門外二人尚璽四人持書給事二人侍前中丞一人

領錄三十人留寺理百官事

侍御史御史大夫自調更告入歸官比

丞相掾史史白錄

白錄著錄而已

惠帝初遣御史監三輔郡其

後又置監御史

漢官儀曰侍御史出督州郡賦稅運漕軍糧侍御史至後漢復有護漕都尉官

建武七年省晉太元六年又置督運御史官

其舉郡國孝廉第四科云有能

按章覆問丈中御史後漢亦有侍御史員察舉非法受公卿郡吏奏事有違失舉劾之凡郊廟之祀及大朝會大封拜則一人監威儀有違失則劾奏以公府掾屬高第補之或故牧守議郎郎中為之唯德所在初上稱守滿歲拜真出劇為刺史二千石平遷補縣令見中丞執板揖順帝復絕他選專用宰士有三缺三府各一舉劾

案章事無大小尚書受成而已威烈赫奕莫之敢犯真

御史守中丞持書服其冠紱上事言守闕移稱真又按

二漢侍御史所掌凡有五曹一曰令曹掌律令二曰印曹

掌刻印三曰供曹掌齋祀四曰尉馬曹掌廐馬五曰乘曹掌車駕

豹尾之內便為禁省魏置御史八人當大會殿中御史

簪白筆側陞而坐帝問左右此何官何主辛毗曰此謂

御史舊時簪筆以奏不法如今者直備位但聒筆耳晉

侍御史九人頗用郡守為之山公啓事曰舊時御史頗用郡守今散二千石有才

能尚少者可用不詔使八座詳之既音餌品同持書而有十三曹

十三曹者謂吏曹課

第曹直事曹印曹中都督曹外都督曹媒曹符節曹水曹中壘曹營軍曹法曹算曹及江左初省課第曹置庫曹掌殿牧馬牛市租後分庫曹置左庫外左庫二曹宋代多并諸曹凡十御史馬

自漢以來皆朝服法冠齊有十人梁陳皆九人居曹糾察不法後魏御史甚重必以對策高第者補之侍御史與殿中侍御史畫則外臺受事夜則番直內臺御史舊式不隨臺主簡代延昌中王顯有寵於宣武為御史中尉始請革選此後踵其事每一中尉則更簡代御史北

齊有八人亦重其選後周有司憲中士則其任也隋侍

御史八人自開皇之前復踵後魏革選自開皇之後始

自吏部選用不由臺主仍依舊入直禁中大業中始罷

御史直宿臺內文簿皆持書主之侍御史但侍從糾察

而已由是資位少減唐自貞觀初以法理天下尤重憲

官故御史復為雄要

貞觀十一年吳王恪好畋獵損居人田苗侍御史柳範奏彈之太宗

因謂侍臣曰權萬紀事我兒不能匡正其罪合死範進曰房玄齡事陛下猶不能諫止田獵豈可獨坐萬紀乎

其將除拜皆吏部與臺長官宰相議定然後依選例補

奏其內詔別拜者不在其限麟德以來用人尤重

高宗常問

羣臣求可為御史者僉舉萬年尉楊子失其名居數月復問之羣臣復舉焉上曰吾聞斯人常以褻服居公堂視事其可以為準繩司乎由是百官羣僚必表而視事

選授之命不由銓管及李

義府掌大選寵任既重始得補之

神龍三年吏部尚書蘇瓌案問鄭普思其

妻有寵於韋庶人特勅命對御辯析上屢抑瓌而理普思侍御史范猷忠歷階曰臣請先罪蘇瓌上問其故曰蘇瓌國之大臣荷榮貴久矣不能斬逆賊而後聞奏令使眩惑天聰搖動刑柄而普思反狀昭露陛下曲為申理此則王者不死令聖躬萬福豈有刺天子邪

自義府

之後無出於吏部者

舊御史達長官於途皆免帽降乘長官執轡辭而止馬乾封中王本

立為侍御史意氣頗高途逢長官端揖而已自是諸人或降而立或一足至地或側鞍弛轡輕重無恒開元以

來但舉鞭侍御史凡四員

本二員顯慶中加二員乾封二年二月韋仁約除御史與

公卿相見未嘗行拜禮或勉之約曰鸚鵡鷹鸛豈衆禽之偶奈何設拜以狎之且耳目之官固當特立乃曰御

史銜命出使不能動搖山嶽震懾州縣誠曠職耳

內供奉二員

侍御史內供奉與殿中御史內

供奉監察御史裏行其制並同皆無職田庶僕臺例占闕者得職田庶僕無闕可占則歲兩時請地子於太倉

每月受俸及掌糾察內外受制出使分判臺事又分直庶僕於太府

朝堂與給事中中書舍人同受表裏冤訟迭知一日謂

之三司受事其事有大者則詔下尚書刑部御史臺大

理寺同案之亦謂此為三司推事

後漢永安中侍御史寒朗共三府案楚獄

亦今三司之例

武后時刑獄滋章凡二臺御史多苛刻無恩以

誅暴為事猜阻傾奪更相陵搆此其為弊也神龍以來

稍革之其後名流慎選侔於貞觀永徽矣侍御史之職

有四謂推

推者掌彈推鞠也

公廨

知公廨事

雜事

臺事總判

定殿中

監察以下職事及進名改轉臺內之事悉主之號為臺

端他人稱之曰端公其知雜事者謂之雜端最為雄劇

食坐之南設橫榻謂之南牀殿中監察不得坐

亦謂之瘖牀言

處其上者皆驕傲自得使人如癡是故謂之癡牀

凡侍御史之例不出累月則

遷登南省故號為南牀百日察其行止出入揖讓去就

殿中以下皆稟而隨之先後虧失者有罰其太極以前

二臺朝列之制侍御史與殿中隨仗入分居兩行在侍

中黃門侍郎給事中後起居郎常侍正諫議大夫御史中丞下西行在中書令侍郎舍人後起居舍人常侍諫

議大夫御史承詔者各五日有旨名御史不呼名則承

詔者出開元初仍制在東侍御史或闕則假殿中承之

自至德以來諸道使府參佐多以省郎及御史為之謂之外臺則皆檢校裏行及內供奉或兼或攝諸使官亦

然

增文獻通考曰故事御史臺不受訟有訴可聞者略其姓名託以風聞其後御史疾惡者少通狀壅絕開元十四年乃定授事御史一人知其日劾狀題告事人姓名其後宰相以御史權重建議彈奏先白中丞大夫復通狀中書門下然後得奏自是御史之任輕矣建中元年以侍御史分掌公廨推彈自是雜端之議輕矣元和八年命四推御史受事周而復始罷東西分日之限宋仍唐制侍御史貳中丞隸臺院天禧中置言事御史

後久不除慶歷五年復置今御史臺中丞廳蓋御史得兼諫職也續文獻通考曰遼會同元年置侍御史金

侍御史二員事文類聚曰元置侍御史二人位御史

中丞之下明初有侍御史後罷

詳總載一

侍御史二

增後漢書曰杜詩為御史安集洛陽時將軍蕭廣放縱兵士暴橫民間百姓惶擾詩勅曉不改遂格殺廣還以狀聞世祖召見賜以榮戟焉又曰光武間杜林還三

輔乃徵拜侍御史引見問以經書故舊及西州事甚悅
之賜以車馬衣被 冊府元龜曰張綱為侍御史時順
帝委縱宦官有識危心綱常感激慨然歎曰穢惡滿朝
不能奮身出命埽國家之難雖生吾不願也退而上書
書奏不省 又曰劉陶為侍御史靈帝時鉅鹿張角偽
託大道妖惑小民陶與奉車都尉樂松議郎袁貢連名
上疏言之帝殊不悟 魏書曰袁紹有姿貌威容能折
節下士太祖少與交以大將軍掾為侍御史 冊府元

龜曰北齊杜弼為侍御史臺中彈奏皆弼為之諸御史
出使所上文簿委弼覆察然後施行 隋書曰柳調為
侍御史僕射楊素常於朝堂見調因戲之曰柳條通體
弱獨搖不須風調正色曰調信無可取公不當以為侍
御史調信有可取不應發此言素甚奇之 又曰游元
為侍御史奉使於黎陽督運會楊玄感作逆囚之屢脅
以兵竟不屈被害 又曰陳孝思大業初為魯郡司法
書佐郡內號為廉平太守蘇威常欲殺一囚孝思諫至

於再三威不許孝思自解衣請先受死良久威意乃解
謝遣之漸加禮敬及威為納言奏孝思為侍御史 唐
書曰李素立高祖命授七品清要官所司權擬雍州刺
史錄參軍高祖曰此官要而不清又擬祕書郎高祖曰
此官清而不要遂擢授侍御史 唐書曰賈言忠乾封
中為御史時朝廷有事遼東言忠奉使往支軍糧及還
高宗問以軍事言忠畫其山川地勢且陳遼東可平之
狀高宗悅 又曰劉思立高宗時為侍御史屬河南河

北旱遣御史中丞崔謚等分道存問賑給思立恐妨農
務上疏諫謚等遂不行 職官分紀曰王義方奏李義
府犯狀帝怒出義方為蔡州司戶義府云王御史妄相
彈奏得無媿乎義方對云仲尼為魯司寇七日誅少正
卯於兩觀之下義方旬有六日不能去奸邪於雙闕之
前實以為媿 韓瑗傳曰唐自韓瑗與遂良相繼死內
外以言為諱將二十年時造奉天宮御史李善感上疏
極言時人喜之謂之鳳鳴朝陽 唐書曰狄仁傑為侍

御左司郎中王本立怙寵自肆仁傑劾奏其惡武后有
詔原之仁傑曰陛下惜有罪虧成法臣願先斥為羣臣
戒由是本立抵罪朝廷肅然山堂肆考曰桓彥範等
共薦陽嶠為侍御史楊再思曰嶠不樂搏擊之任如何
彥範曰為官擇人豈必待其所欲乃引為左臺侍御史
孔帖曰徐有功起為左肅政臺侍御史辭曰臣聞鹿
走山林而命繫庖厨者勢固自然陛下以法官用臣臣
守正行法必坐此死矣后固授之天下間有功復進灑

然相賀 又曰韋虛心遷侍御史神龍中按大獄僕射

竇懷貞侍中劉幽求有所輕重虛心據正不撓景龍中

屬羗叛既禽捕有詔悉誅虛心惟論酋長死原治其餘

山堂肆考曰崔咸為侍御史穆宗復以裴度為司空

度至京師朝士填門度留之飲京兆尹劉棲楚附度耳

語咸舉觴罰度曰丞相不應許所由官咕囁耳語度笑

而飲之棲楚不自安趨出左右莫不壯之 溫造傳曰

敬宗朝夏州節度使李祐入朝違詔進奉侍御溫造彈

之祐趨出待罪股戰流汗驚謂人曰吾半夜入蔡州城
擒吳元濟未嘗心動今日膽落於溫御史矣 山堂肆
考曰宋張靄為侍御史太祖方彈崔於後苑靄亟請入
奏事及帝見所奏乃常事遂大怒靄曰臣以為尚亟於
彈崔帝色愈厲以斧柄撞墮靄二齒靄徐拾之帝曰欲
訟朕邪靄曰臣不能訟陛下自有史官書之耳 宋會
要曰唐介字子方為侍御史極言宰相文彥博知益州
日進燈籠錦媚張貴妃致位宰相且論其專政仁宗怒

甚貶英州別駕帝慮介或道死有殺直臣名命中使護之由是介直聲聞天下 言行錄曰彭思永字季長仁宗朝為侍御史時張堯佐以妃族進王守忠以親侍帷幄寵參知政事闕員堯佐朝暮待命守忠亦求為節度使思永獨抗疏極言而堯佐守忠之言遂格 又曰劉摯擢侍御史摯自熙寧以言去位踰十六年乃復任言責一時奸佞刻薄之吏事狀顯著皆正色彈劾多所貶黜中外肅然 九朝通略曰賈黯除中丞新除侍御史

呂誨常彈黯過失遷延引避黯言常薦誨為御史知其

方正謹厚一時公言非有嫌忌願得終與共事誨乃就

職元史列傳曰世祖時川陝盜起省臣患之請專戮

其尤者以止盜朝論將從之侍御史高鳴諫曰制今天

下上死囚必待論報所以重用刑惜民生也今從其議

是開天下擅殺之路害仁政甚大帝曰善令速止之

又曰王壽元貞三年擢御史臺侍御史論事剴切奏宰

相內統百官外均四海位尊任重不可輕假非人臣願

推愛君思治之心邪正互陳成敗對舉庶幾上悟天衷
懲其既往知所進退

侍御史三

原薦冠

鐵柱

上詳治書御史
下詳通典

繡衣

白筆

上詳繡
衣直指

通典

下詳

避馬

埋輪

續漢書曰桓典字公雅為侍御
史是時宦官亂政典執政心無

所迴避常乘驄馬京都畏之為語曰行行且止避驄馬
御史又曰張綱字文紀遷侍御史漢桓帝選八使巡

行風俗八使同日拜謂之八彥皆宿儒要位唯綱年少
官微受命各之部而綱獨埋車輪於洛陽都亭曰豺狼

當道安問狐狸遂奏大將軍
梁冀兄弟罪惡京師震竦

橫劍

持戟

續漢書曰
种嵩字景

伯順帝時為侍御史監護太子承光宮中常侍高梵受
勅迎太子不齎詔書以衣車載太子欲出太子太傅高
襄不知所以力不能止開門臨去罵至橫劍當車曰御
史受詔監護太子太子國之儲副天命所繫常侍來無
一尺詔書安知非挾奸邪今日之事有死而已梵馳奏
之詔報太子乃得去杜喬退而歎息媿嵩臨事不惑帝
亦嘉其持重稱善良久益部耆舊傳曰楊仁字文義
明帝引見問當代政治之事仁對上大奇之拜仁侍御
史明帝崩是時諸馬貴盛各爭入宮仁披甲持戟遮勅
宮門不得令入章帝既立諸馬更諧仁刻峻於是上善
之

增白兔

皂鵲

唐書曰王宏義遷侍御史始賤時
求旁舍瓜不與乃謗文言園有白

兔縣集衆捕逐畦蔬無遺內史李昭德曰昔聞蒼鷹獄
吏今見白兔御史又曰王志愔為侍御史以剛鷲為

治所居人吏畏讐呼為皂鵲御史
言其顧瞻如鵲鷲之視燕雀也

脆梨

貞柏賈言

監察本草曰裏行及試員外為合口椒殿中曰生薑侍御為脫梨漸入佳味續通典曰御史臺侍御史廳前

有兩株柏唐總章中李元同張仁禕為侍御史所植也杜易簡為之贊曰爰有貞柏徙植清臺麝條霜勁蠶葉

風開始逢鵲憲府法星上詳柳詩見總載劉禹喜終見烏來錫送楊侍御歸朝詩鵲烏

得秋氣法原劾霍光收梁冀漢書曰嚴延年遷侍星懸青旻御史劾霍光專廢立

無人臣禮續漢書曰陳翔字子麟遷侍御史元日朝賀梁冀威儀不整請收理罪時人奇之增服

鷹冠懸豹尾上詳治書御史後漢輿服志曰大駕屬車八十一乘皆尚書御史所載最後

一車懸豹尾薛綜乘驄馬車乘輿上詳前東觀注曰侍御史載之漢記曰申屠剛

字巨卿建武初拜侍御史遷尚書令蹇蹇多直無所屈撓隴蜀未平上常欲近出剛止不聽剛以頭輒乘輿使

馬不得前

用稀姓

識大體

事文類聚曰宋景祐中有郎吏皮仲容街衢為一輕薄子

所戲遽前賀之間君有臺憲之命仲容立馬媿謝久之徐問何以知之對曰朝廷所制臺必用稀姓者故以君姓知之爾蓋是時三院御史乃仲簡論程掌禹錫也聞者傳以為笑 冊府元龜曰唐盧羣貞元中為侍御史有人誤告故尚父子孫儀嬖人張氏宅中有寶玉者張氏子孫又與尚父子孫相告訐詔促其獄羣上奏言皆子儀家事子儀有大勲伏望陛下赦而弗問使私自引退帝從之時人賞其識大體也 澳恥呈身

祐驚落膽

本傳唐韋澳方靜寡欲不肯見高元裕曰恐無呈身御史

下詳侍御史二

柱裏柱外

南省南牀

唐職林曰每出入行步侍御史在柱裏殿察兩院在柱外下

詳通

京尹避路

大夫抗禮

唐臺儀曰故事京尹遇侍御諸衙當避 本傳

崔隱甫奏侍御以下皆與大夫抗禮

得兼諫職

免判理寺

上詳文獻通考事

略御史知雜呂誨奏風憲糾繩百司刑名出入當舉劾若令判大理寺於體有妨許之

名望素

高風力愈勁

三國吳志楊廷式強正忠直名望素高及為憲臺人皆屬望下詳總載

入苑奏事

至臺講兵

上詳侍御史二宋張浚為侍御史

山堂肆考曰好謀略有太

志數招諸將至臺講論用兵籌策

乞伸枉濫

請攬威權

山堂肆考曰武后朝

侍御史魏靖上言陛下既知來俊臣之奸處以極法乞詳覆俊臣等所推大獄申其枉濫太后命監察御史蘇

頤按覆由是雪冤者甚衆又曰宋趙瞻字大觀為侍御史上疏請攬威權明功罪廣聰明更積英英宗嘉納

之

原倪寬語經

戴禮治

漢書曰倪寬舉侍御史見上語經學上悅之從

問尚書一篇擢為中大夫
謝承後漢書曰戴禮雅有威重拜侍御史以能治劇出為丹陽東都尉
增

鷹鷂豈衆禽

鷂鷂視燕雀

上詳通典下詳皂鷂注

原李恂寫

山川

周騰觀星象

續漢書曰李恂遷侍御史持節使幽州宣布恩澤慰撫北狄所過皆

寫圖山川屯田聚落百餘卷悉封奏上肅宗嘉之
豫章記曰周騰字叔達為侍御史桓帝當郊平明應出騰

仰觀曰今策馬星不動上當不出詳星

增對仗斥義府

舉觴罰裴度

山堂肆考曰李義府囑大理寺丞枉法出淳于氏高宗知而不問侍御史王義方上疏奏之對仗斥義府令下

義府顧望不退義方三叱義府始趨
出義方乃讀彈文下詳侍御二

原陳咸歸於鄉

里惠伯適入山林

東觀漢記曰陳寵曾祖父咸哀平間以明律為侍御史王莽篡位父

子相將歸鄉里閉門不出乃收家中律令文書壁藏之以俟聖主咸常戒子孫曰為人議法當依於輕雖有百金之利慎毋與人重陳留風俗傳曰桓烈字惠伯為侍御史以王莽之初遁入山林世祖即位就其家食以二千石祿

增訟言楚獄之冤

奏正唐室之號

肆山堂

曰東漢明帝時窮治楚獄連繫數千人侍御史寒朗心傷其冤上言訟之帝意解自幸洛陽獄錄囚徒理出千餘人時天旱即雨又曰張柬之既遷則天於上陽宮中宗猶以皇太子監國告武氏之廟侍御史崔潭奏曰方今國命初復正其徽號自當稱唐以順萬姓之心奈何告武氏廟哉宜毀此廟復唐鴻業中宗深納之

侍御史四

原周曰柱下秦為御史

六典曰周官宗伯屬官御史掌邦國都鄙及萬民之治今以贊

冢宰凡治之者受法令焉以其在殿柱之間亦謂之柱下史秦改為侍御史

注言行儀曰

侍御史周官也漢興襲秦因而不改掌注言行糾諸不法

察辭詔漢官辨詔曰惠帝三年相國奏

遣御史監三輔察辭詔凡九條監者三歲更常以月中奏事也

舉非法續漢書百官志曰御史秩

六百石掌

察百僚督州郡

糾察百僚督州郡糾察百僚督州郡

治

詔獄

晉百官奏事歲曰侍御史一人與御史同掌治詔獄及廷尉不當者皆治之

監祭祀

晉百官表曰侍御史職掌諸曹其治事糾察不法監祭祀朝會

掌殿門宿衛晉百官表注曰

侍御史掌殿門以內案防宿衛署在殿中者皆總攝

增哄堂

山堂肆考曰侍御史凡上堂絕言笑

有不能忍者雜端大笑則闔生皆笑謂之哄堂哄堂笑不罰

五術

潛確類書曰察風化聽謠訟審

其哀樂納市價觀其美惡詢簿書考其爭訟覽車服等其奢儉省作業察其趨舍

原不入殿

案行御史不得入殿案行

程邈作大篆

衛恒集曰程邈為御史得

罪始皇繫雲陽十年於獄中作大篆少者增益多者減省方者使員員者使方奏之始皇善之出為御史

察視之官

東觀漢記曰鄭璠字平卿拜內史上疏曰臣斗筭之小吏摧在察視之官職任過分

當刺糾矯枉詔書示官府曰璠盡節剛正亦何陵遲之有賜璠素六十匹由是顯名

上以為能

史記曰張湯補侍御史案事治陳皇后蠱獄深竟黨與上以為能又曰趙禹以刀筆吏積勞稍遷為御史上

以為能

尹齊不避貴勢

漢書曰尹齊以刀筆吏稍遷至御史事張湯湯數稱以為廉武

帝使督盜賊斬伐不避貴勢

延年劾霍光

又曰嚴延年遷侍御史是時大將軍霍光廢昌

邑王尊立宣帝宣帝初即位延年劾奏光擅廢立無人臣禮奏雖寢然朝廷肅焉敬憚

班固作

哀辭

班固集馬仲都辭曰車騎楊文侯馬仲都明帝舅也從車駕於洛川浮橋馬入水溺死帝顧謂侍御

史班固為上作哀辭也

楊秉有宰相之才

謝承後漢書曰楊秉拜侍御史多所彈劾

名由此顯京師咸稱有宰相之才

刁曜有邊臣之節

又曰刁曜拜御

堂塞諤有邊臣之節

鄭均月餘而遷

東觀漢記曰鄭均拜侍御史月餘遷尚書

朝

野稱當

王隱晉書曰庾峻字山甫博學有才思長安有大獄久不決轉峻為侍御史往斷之朝野稱當

正直之望

傅暢晉諸公贊曰劉曜字長叔遵其家業用心厲正為侍御史武庫失火尚書郭彰

與曜典知修復彰以后親輕傲呵曜曰我不能截卿角邪以御史著法冠有兩角故也曜作色曰天子法冠而

欲截角何不敬邪索紙筆奏之彰伏不敢言於是正直之望著於內外

劉敞奏王渾曰又

劉敞奏司徒王渾蒙國厚恩備位鼎司不能上佐公家下遂萬物舉動輕速無大臣之節請免官

增

獬廌不識字

事文類聚曰則天時授侯思止為游擊將軍高元禮呼之為侯大曰國家用人不次

若言侯大不識字即奏曰獬廌獸亦不識字而能觸邪則天果如其問思止以獬廌對天授三年乃拜左臺侍

御史

朝廷雄職

本傳王義方曰陛下拜臣侍御史濫朝廷之雄職

劾京兆尹

山堂肆考曰唐開元初楊瑒為侍御史與御史大夫李傑將劾京兆尹崔日知反為所搆瑒廷奏曰糾彈之司

若遭恐脅以成奸臣之謀則御史臺固可廢矣

十月一轉侍續通典曰王播奏

十月一轉

辱臺

山堂肆考曰宋制御史入臺滿十旬無章疏者有辱臺之罰

不尚沽

激

又曰宋何郯字聖從為御史言事不尚沽激

畫像便殿

晁以道曰仁宗

中使賜介金又畫其像置之便殿

犬馬不及言

事文類聚曰宋皇祐中侍御史宋禧上言

乞宮中養羅江狗以備不虞上曰養兵百萬威制夷狄尚不可備不虞卿令宮中養狗無謂也曹穎叔言朝言不及犬馬而禧被黜於是

還告居家

范忠宣與呂誨等論奏濮王典禮不聽於

是還所授告

彈蔡確章惇

言行錄曰劉摯為侍御史

家居待罪

惇凶悍輕銳無大臣體皆罷

爭濮王禮

又曰范純仁為侍御史時方議濮安懿王典禮純仁

引誼據經語斥大臣尤切由是名震天下

伸諫省氣

樓攻媿集曰林大中除侍御史鄧司諫繹

以忤旨移將作監大中請曲加優容許復舊職丞相留公丐去大中率同僚奏乞宣諭使安相位遂不果去身

居言職而伸諫省之氣誦
丞相之賢他人不敢為也

侍御史五

原詩晉潘尼贈侍御史王元貺詩曰崑山積瓊玉廣厦
構衆材游鱗萃靈沼撫翼希天階膏蘭孰為消濟治由
賢能王侯厭崇禮迴迹清憲臺蠖屈固小往龍翔迺大
來協心毗聖世畢力贊康哉 唐蘇味道贈封御史入
臺詩曰故事推三獨茲晨對兩闌夕鴉共鳴舞屈草接
芳菲盛府題青橐殊章動繡衣風連臺閣起霜就簡書

飛凜凜當朝色行行滿路威唯當擊隼去復覩落鵬歸

又奉懷臺中諸侍御詩曰薄游忝霜署直指戒冰心

荔浦方南紀衡臯暫北臨山晴關塞斷川暮廣城陰場
圃通圭甸溝塍礙石林野童來捃拾田叟去謳吟蟋蟀
秋風起薰葭晚露深帝城猶鬱鬱征傳幾駸駸迴憶披
書地勞歌謝所欽元希聲贈皇甫侍御赴都詩曰東

南之美生於會稽牛斗之氣蓄於昆溪有瑤者玉連城
是齊有威者鳳非梧不棲一其猗嗟衆珍以況君子公侯

之甯必復其始利器長材溫儀峻峙其二道心惟微厥用

充塞德暉不泯而映邦國靜以有神動而作則九臬千

里其聲不忒其三粵在古昔分官厥初刺邪矯枉非賢勿

居稜稜直指烈烈方書蒼玉鳴珮繡衣登車其四綽綽夫

君是膺柱下準繩有望名器無假寵蓋伯山氣雄公雅

立朝正色其五候我能者其六載懷朋情常接閑宴好洽昆弟

官聯州縣如彼松竹春榮冬禧柯葉藹然不渝霜霰其六

會合非我闕山坐違離鴻曉引別葉秋飛駢駢徐動樽

餞相依遠情超忽岐路光輝其金石其心芝蘭其室言

語方間音徽自溢肅子風威嚴子霜質贈言歲暮以保

貞吉其增張九齡酬趙侍御使西軍詩曰石室先鳴

者金門待制同操刀常願割持斧竟稱雄又曰忽枉

兼金訊非徒秣馬功氣清蒲海外聲滿柏臺中李嶠

和杜侍御太清臺宿直詩曰貂冠朝彩振烏署曉光分

欲嘯遷喬侶先飛擲地文岑參送裴侍御赴詔入京

曰羨他驄馬郎元日謁明光立處聞天語朝回惹御香

臺寒柏樹綠江暖柳條黃惜別津亭暮揮戈憶魯陽

又送韋侍御歸京詩曰聞欲朝龍闕應須拂鴈冠風霜
隨馬去炎暑為君寒 又送鄭侍御歸東臺詩曰紅亭

酒甕香白面繡衣郎砌冷蟲喧坐簾疎雨到牀鐘催離
興急絃逐醉歌長關樹應先落隨君滿路霜 張謂送

韋侍御赴上都詩曰天朝辟書下風憲取才難更謁麒
麟殿重簪獬廌冠月明湘水夜霜重桂林寒別後頭堪
白時時鏡裏看 杜甫送何侍御歸朝詩曰舟楫諸侯

餞車輿使者歸山花相映發水鳥自孤飛春日垂霜鬢
天隅把繡衣故人從此去寥落寸心違 又贈竇侍御
詩曰竇侍御驥之子鳳之雛年未三十忠義俱骨鯁絕
代無炯如一段清冰出萬壑置在迎風寒露之玉壺

李白贈錢侍御詩曰繡衣柱史何昂藏鐵冠白筆橫秋
霜三軍論事多引納階前虎士羅干將 孟浩然和李
侍御渡松滋江詩曰南紀西江濶皇華御史雄截流寧
假楫挂席自生風寥寥爭攀鷁魚龍亦避驄坐聽白雪

唱翻入樞歌中 劉長卿贈楊侍御詩曰肅穆烏臺上

雍容粉署中含香初待漏持簡舊生風黠吏偏驚隼貪

夫輒避驄 又錢張侍御詩曰勁直隨臺柏芳香動省

蘭壁從全趙去鵬自北溟搏星象銜新寵風霜帶舊寒

錢起青泥驛迎獻王侍御詩曰候館埽清晝使車出

明光森森入郭樹一道引飛霜仰視驄花白多慚綬色

黃鵠鶴無羽翼願假憲烏翔 又送裴頓侍御使蜀詩

曰柱史纔年四十強鬚髯玄髮美清揚朝天繡服乘恩

貴出使星輶滿路光錦水繁華添麗藻峨眉明月引飛
觴多才自有雲霄望計日應追鴈鷺行 嚴維郊中贈
張侍御詩曰辟疆年正少公子貴游還早列公卿位新
參柱史班千夫馳驛道駟馬入家山深巷烏衣盛高門
畫戟閑 韓翃送劉侍御赴陝州詩曰金羈映驕驕後
騎佩干將把酒春城晚鳴鞭曉路長帶冰新溜澀間雪
早梅香明日懷賢處依依御史牀 楊巨源贈李寓侍
御詩曰路入桑乾塞鴈飛冬郎年少有光輝春風走馬

三千里不廢看花惹繡衣 許渾酬河中杜侍御詩曰
文章已變南山霧羽翼應搏北海風春雪預呈霜簡白
曉霞先染繡衣紅 宋王安石送康叔侍御詩曰詔取
名郎入憲臺此時方急濟時才聖聰應已虛心待奸黨
寧無側目猜白筆豈知權可畏皂囊還請上親開信聞
讜論能醫國飛報頻隨驛騎來

增制唐李嶠行崔昇侍御史制曰學可從政文能案章
幹局並優清勤咸著丹墀持法既佇良才白簡繩違尤

資器識宜膺石室之命俾參鐵冠之侶 蘇頲行張遊

侍御史制曰清方自居專直不撓秋風始擊每厲鷹鷂

歲寒後凋斯見松柏國儲在於紅粟王憲持於白簡式

寄人天之重更聞臺閣之遷 又行游子騫侍御史制

曰砥操礪行慎言檢迹清公乃持法之端詞學皆養能

之要臨事必果已畏神羊執心不回先聞擊隼宜在鸞

階之列用成烏府之遷 崔嘏行盧就朱杭侍御史制

曰侍御史居其府則掌領推按糾繩懲尤立於朝則正

其視瞻峻彼風範官號清重才資鯁直拔而用之不在
階級爾就爾抗立身有文能用嘉猷參於將席憲丞上
請咸曰得人嗚呼神羊在庭屈軼在砌觸邪指佞二物
可師無為畜縮以孤我誠臣之舉

增啓宋洪平齋賀侍御啓曰榻前承渥柱裏升班物情
大旱之餘適蘇霖雨天象太微之次首應法星某官簪
筆烏臺伏蒲騎省上不為危言而駭聽下不為矯節以
沽名唯致辨於君子小人之間而防維於宦官女子之

際外邪不入元氣自充堂堂不撓為儒宗謀猷唯舊行
行且止避御史風采又新當令文靖之警君復聞於世
毋使清獻之論事專美於前 汪龍溪賀柴侍御啓曰

妙簡宸衷寵司邦憲獨坐之長御史久虛不除橫榻之
亞中司此選甚茂朝有正士人無異言某官德齒朝之
達尊忠亮國之司直分南臺之糾察威望日隆贊東閣
之辨章彌綸歲久以詳練之老而糾彈於萬務以清明
之德而表率於百僚羣陰見睨而消百度從繩則正猛

獸之衛黎藿有以知朝廷之尊和羹之作鹽梅殆將幹
鈞衡之造方秋崖賀林侍御啓曰出綸西掖執憲南
牀天子明明用臯陶而不仁者遠矣王臣蹇蹇如行父
見無禮者誅之某官二典三謨之學問五音六律之辭
章觀經世之宏規雖伊管未能遠過讀責難之確論非
仁義不敢前陳適當不諱之朝夕立得言之地接武夔
龍籙羽鷩鷩綴赤墀供奉之班當道豺狼安問狐狸凜
白筆抨彈之志

殿中侍御史一

原杜氏通典曰殿中侍御史魏置也初魏蘭臺遣二御

史居殿中察非法即殿中侍御史之始也晉置四人江

左多置二人

宋徐爰自殿中侍御史轉蘭臺侍御史

梁有四人掌殿中禁

衛內事後魏北齊皆有之隋初改曰殿內侍御史置十

二人至煬帝省唐置六員

初有二員貞觀二十二年增二員開元中加二員

內

供奉三員初掌駕出於鹵簿內糾察非違餘同侍御史

唯不判事咸通以前遷轉及職事與侍御史相亞自開

元初以來權歸侍御史而遷轉猶同兼知庫藏出納及
宮門內事知左右巡分京畿諸州諸衛兵禁隸焉彈舉
違失號為副端閣門之外百僚班序有離立失列言囁
而不肅者則糾罰之其正冬大會則戴元豸乘馬加飾
大夫中丞加金勒珂珮具服上殿供奉左右或缺則吏部以他官
攝之其郊祀巡幸大備國簿出入由旌門者監其隊伍
初武后時有殿中裏行及員外殿中御史官或有起家
為之而即真者神龍以來無監察則有裏行 增文獻

通考曰宋制殿中侍御史二人正七品掌言事分糾大朝會及朔望六參官班序舊制侍御史兼知雜事殿中侍御史兼左右巡使監察御史兼察使官卑而入殿中

監察御史者謂之裏行元豐八年詔殿中侍御史兼察

事監察御史兼言事

石林葉氏曰唐三院御史謂侍御史與殿中侍御史監察御史也侍

御史所居曰臺院殿中曰殿院監察曰察院此其公宇之號非官稱也侍御史自稱端公知雜事則稱雜端而

殿中監察稱曰侍御近世殿院察院乃以名其官蓋失之矣而侍御史復不稱臺院止曰侍御端公雜端但私

以相號而不見於通稱各從其所沿襲而已

續文獻通考曰元制殿中侍

御史二人凡大朝會百官班序其失儀失列則糾罰之在京百官到任假告事故出三日不報者則糾舉之大臣入內奏事則隨以入凡不可與聞之人則糾避之明初有殿中侍御史後罷

殿中侍御史二

增唐書曰張行成為殿中侍御史糾劾不避權威太宗以為能謂房玄齡曰觀古今用人必因媒介若行成者朕自舉之無先容也又曰王無競轉殿中侍御史舊

例每日更直於殿前正班時宰相宗楚客楊再思常離班偶語無競前曰朝禮至敬公等大臣不宜輕易以慢朝典楚客等大怒轉無競為太子舍人孔帖曰柳澤轉殿中侍御史監嶺南選時市舶使右威衛中郎將周慶立造奇器以進澤上書曰慶立雕製詭物造作奇器乃治國之巨蠹明王所宜嚴罰者也明皇稱善又曰張鎰累遷殿中侍御史乾元初華原令盧樅以公事譙責邑人齊令詵令詵宦人也銜之誣樅罪鎰按驗當免

官有司承風以死論鎰不直之乃白其母曰今理樅樅
免死而鎰坐貶嘿則負官貶則太夫人憂敢問所安母
曰兒無累於道吾所安也遂執正其罪 李珣傳曰珣
字待價為殿中侍御史宰相韋處厚曰清廟之器豈搏
擊才比除禮部員外郎 山堂肆考曰宋何郊為殿中
侍御史常極陳夏竦奸狀仁宗諭曰古有碎首諫者卿
能之乎對曰君不從諫則臣碎首今陛下從諫如流臣
何敢掠美 又曰龐籍莊敏入為殿中侍御史中丞孔

道輔謂人曰今之御史多承望要人風旨陰為之用獨

龐公天子御史耳 言行錄曰趙抃除殿中侍御史先

是呂洸出守徐蔡襄守泉吳奎守壽韓絳守河陽歐陽

修乞蔡賈黯乞荆南抃上言近日正人如修輩無幾今

皆欲請郡者以不能諂事權要傷之者衆矣修等由此

不去一時名臣賴之以安 又曰河東關漕使章郇公

言文彥博有名稱呂許公曰可召來面詢之召至堂上

許公不交一言但睥睨而已及退許公歎曰此大有福

人何所任用不可遂自殿中侍御史差委不十年出將入相東都事略曰呂誨為殿中侍御史彈劾無所避公主夜扣禁門劾奏公主閤宦者竄逐之彈樞密使宋庠不稱具瞻之望陳升之為樞密副使誨與唐介趙抃論升之交結中人不可大用章十八上卒與升之俱罷宋實錄曰治平二年以范純仁為殿中侍御史呂大防為監察御史裏行近制御史有關則命翰林學士御史中丞迭舉二人上自擇取一人為之至是闕兩員舉

者未上內出純仁大防姓名而命之 言行錄曰傅堯

俞英宗即位遷殿中侍御史皇太后同聽政上疾平堯

俞上疏請太后還政未聽頗聞內侍任守忠有甚語堯

俞又上疏太后遂還政而逐守忠等 東都事略曰蔣

之奇英宗立為殿中侍御史獻謹始五事一曰進忠賢

二曰退奸邪三曰納諫爭四曰遠近習五曰閑女謁

系年錄曰殿中侍御史常同為御史不數月劾罷監司

之不才者二十有三人中外翕然 宋會要曰慶曆五

年殿中侍御史梅摯監察御史李京並為言事御史唐
制御史不專言職故天禧中始置言事御史六員其後
久不除至是始除之 系年錄曰紹興三十一年杜莘
老為殿中侍御史入見上曰知卿不畏強禦故有此授
自是用卿矣 楊誠齋集曰紹興末金人謀南侵宦官
張去偽陰沮戰議且請避狄陳俊卿為殿中侍御史請
斬之上愕然曰公仁者之勇

殿中侍御史三

增蹈道依仁

嫉邪忿佞

山堂肆考曰武后思徐有功用法平恕權拜左臺殿中侍

御史宗城潘好禮著論稱

有功蹈道依仁固守誠節不以貴賤死生易其操履又曰唐崔沔除殿中侍御史

以嫉邪忿佞為已任

出入柱外

供奉墀下

上詳侍御史章絢傳曰上官儀位

宰相時以雍州司士韋絢為殿中侍御史或疑非遷儀曰此野人語耳御史供奉赤墀下接武夔龍簞羽鷄鷺

豈雍州判佐比乎

綴供奉班

均御史職

五代會要唐天成二年御史臺奏曰

每遇入閣日欲依常朝例差殿中侍御史二員押鐘鼓樓位各綴供奉官班出入所冀共為糾察從之職林

唐法殿中侍御史遷拜及職事與侍御史均

辛辣不患

糾劾為能忠言

草殿中為蘿蔔亦曰生薑雖辛辣而不為患白集褒虞制曰貞觀中張行成為殿中侍御史糾劾巡察時以

為能 鐵面御史

骨鯁殿院

東坡集曰趙抃為殿中侍御史彈劾不避權倖京師

號為鐵面御史

中興系年錄曰杜莘老為殿中侍御史極言無隱取眾所指如王繼先張去偽輩悉擊去之

及罷去朝士祖道都門以詩文稱述者百餘人都人至今以為美談雖宿衛武夫府寺賤隸誦說前朝骨鯁敢

言之臣必曰

論宰相回佞

言大臣奸邪

上詳殿中

錄曰汪徹為殿中侍御史上言昔慶厯初京師一日無雲而震仁宗以天變如此由夏竦奸邪亟命黜之前日

無雲而雷人情駭異其變蓋在大臣

殿中侍御史四

增左雍以能擢

曹氏傳曰左雍起於辟吏武帝以為能擢為殿中侍御史

孫綝習

事補

山公啓事曰中書屬通事令史孫絳限滿久習內事才宜殿中侍御史須空補之不審可否詔曰可

見惡能討

山堂肆考曰魏宋游道為殿中侍御史臺中語曰見惡能討宋游道

治獄

無枉

唐崔仁師本傳曰仁師定州人貞觀中為殿中侍御史青州男子謀逆有司捕支黨繫獄詔仁師按

覆止坐其魁惡十餘人他悉原縱大理少卿孫伏伽曰足下平反者多恐人情貪生見其徒侶得免未肯甘心

奈何仁師曰治獄主仁恕豈有知枉不申為身謀哉及勅使覆訊諸囚皆叩頭曰崔公仁恕無枉請速就死無

一人異

大政與議

糾察嚴正常侍宴太宗語山東及

辭者

關中人意有同異行成曰天子四海為家不容以東西為限是示人以隘矣帝稱善自是有大政事令與議焉

起家即真

通典曰武后時殿中侍御史官或有起家為之而即真者

申理元忠

山堂肆考曰武后時諸張譖宰相魏元忠太后怒下元忠獄蘇安恒等上疏極言竟貶元忠高要尉殿中侍御史王峻復奏申理元忠宋璟曰魏公幸已得全今子復冒威怒得無狼狽乎峻曰魏公以忠獲罪峻為義所激顛沛無恨
呈身御史宋會要曰皇祐中詔中丞孫抃舉御復何由薦之抃曰昔人恥為呈身御史
今我豈求識面臺官遂除殿中侍御史

殿中侍御史五

增制唐蘇頌行鄭溥殿中侍御史制曰志蘊公忠才兼學行守文法以明練循憲章以清直神羊共觸常聞避馬之雄夕鳥明飛俾叶遷鶯之舉
賈至行敬昭道殿

中侍御史制曰見素為質懷清守道學以潤身文能比
事自乘驄曉謁繫隼秋飛或出稟王綸或入持天憲傳
使者之命往則有功按罪人之贓居而不撓因其績用
採以聲華宜叶歲遷允符時議

增狀宋洪咨夔辭免殿中侍御史狀曰竊惟柱後惠文
之官尤重殿中執法之選職脩明於國是用整肅於朝
綱如某者誤蒙蒐拔濫廁糾繩方包不稱之羞忽冒非
常之擢周旋烏府供奉赤墀純仁之內出姓名固擔圖

於美報唐介之願解言職正恐負於隆知欲望朝廷特
賜敷奏光摩日月別求夔龍接武之英威厲風霜庶折
豺狼當道之氣

增啓宋洪平齋賀徐殿院啓曰顯膺宸綽榮副臺端宣
正殿之衣冠夙重抨彈之寄觀象門之步武益尊糾察
之權朝廷以清天下之慶某官南州碩望東魯鉅儒一
唱音遺謠如黃鐘大呂之奏萬仞壁立聳然孤峰絕岸
之風國人同辭而曰賢天子一見而恨晚既堂堂我廬

於烏府爰進進蓮鵠於赤墀露剏滋多霜威增凜鐵面
御史之氣象今復見焉魚頭參政之勲名斯在下矣某
寄身憲節拭目恩綸鵬鷺之在秋天喜有順風之便燕
雀之賀厦屋知無凌雨之虞 劉後村賀謝殿院啓曰
出綉楓宸提綱柏府古者國有拂士莫如諫爭之臣故
事臺無長官尤重雜端之任賛書初下輿望翕歸自昔
明目達聰之朝必用犯顏敢諫之士有希文永叔實開
天聖慶厯之太平無元城了翁誰為元祐建中之命脈

某官頃我薦角親捋虎鬚舉扇障元規之塵安能免我
裂麻阻延齡之相不亦壯哉貴璫咸憚於淳夫掖庭知
有於質肅皆謂霜稜之勁宜居風憲之雄觀三院之辟
題姓名可考由中司而柄任典故則然

監察侍御史一

原杜氏通典曰監察侍御史隋置也初秦以御史監理
諸郡謂之監察御史漢初罷其名至晉太元中始置檢
校御史以吳混之為之掌行馬外事

晉志曰古司隸知
行馬外事晉過江

罷司隸官故置檢校御史專掌行馬外事

亦蘭臺之職

及有禁防御史

宋齊以來無

聞後魏太和末亦置此官宿直外臺不得入宿内省北

齊檢校御史十二人後周司憲旅下士八人蓋亦其職

隋開皇二年改檢校御史為監察御史凡十二人煬帝

增置十六員掌出使檢校唐監察御史十員

初有四員貞觀二十

二年加二員顯慶中加二員開元中加二員

裏行五員掌内外糾察并監察

祀及監諸軍出使等監察御史職知朝堂正門無籍非

因奏事不得入至殿庭在西鳳闕南待殿中侍御史以

上從觀象門出若從天降至開元七年三月勅並令隨

仗入閣

隋末亦遣御史監軍垂拱三年十一月鳳閣侍郎韋方質奏言舊制有御史監軍今未差遣恐

虧失節度武后曰將出師君授之以斧鉞閭外之事皆使裁之如聞比來御史監軍乃有控制軍中大小之事皆須承稟非所以委專征也罪人當答於朝者亦監之以卑制尊理便不可不許

分為左右巡糾察違失

高宗時御史韋仁約奏劾中書令褚遂良抑買宅地遂良貶為

同州刺史

萬歲通

天元五年五月監察御史紀履忠劾

奏御史中丞來俊臣犯狀有五一專擅國權二謀害忠

善三賊賄貪濁四失禮義教五淫昏狼戾論茲五罪合

至萬誅請下獄理罪

長安四年三月監察御史蕭至

忠彈鳳閣侍郎同鳳閣鸞臺三品蘇味道賊污貶官御

史大夫李承嘉常台諸御史責之曰近日彈事不咨大

夫禮乎衆不敢對至忠進曰故事臺中無長官御史君耳目比肩事主得各自彈事不相關白若先白大夫而許彈事如彈大夫不知白以承天朱雀街為界每月一誰也承嘉默然憚其剛正

代將晦即巡刑部大理東西徒坊金吾及縣獄若蒐狩

則監圍察斷絕失禽者量宜劾奏

景龍三年監察御史崔琬彈奏宰相宗楚

客紀憲納等驕恣跋扈請收劾之舊制大臣有被御史彈者皆俯俛趨出待罪朝堂今楚客等瞋目作色稱以忠鯁被誣中宗令琬與楚客約開元初革以殿中掌左為兄弟時人竊號為和事天子

右巡監察或權掌之非本任也職務繁雜百司畏懼其

選拜多自京畿縣尉

京畿即赤縣也

又有監察御史裏行者太

宗置自馬周始焉

始馬周以布衣有詔令於監察御史裏行遂以為名後高宗時王本立自

忻州定襄縣即為之凡裏行受俸於本官多復本官者自王大賓後罷本官俸方有即真者

武后時

復員外監察試監察或有起家為之而即真者又有臺

使八人俸亦於本官請餘同監察

時人呼為六相

吏部式其試

監察神龍以來無復員外及試但有裏行凡諸內供奉

及裏行其員數各居正官之半唯俸祿有差職事與正

同開元五年監察御史杜暹往磧西覆屯倉郭虔瓘與

史獻等不叶更相執奏詔暹按其事實史獻以金遺

暹暹固辭左右曰公遠使絕域不可失蕃人情暹不得已受而埋於幕下既去出境乃移牒令取收之

增文獻通考曰唐監察御史後增至十五人正八品下

掌分察百僚巡按州縣獄訟軍戎祭祀營作太府出納
皆莅焉知朝堂左右廂及百司綱目凡十道巡按以判
官二人為佐務繁則有支使其一察官人善惡其二察
戶口流散籍帳隱沒不均其三察農桑不勤倉庫減耗
其四察妖猾盜賊不事生業為私蠹害其五察德行孝
弟茂才異數藏器晦跡應時用者其六察黠吏豪宗兼
并縱暴貧弱冤苦不能自申者凡戰伐大克獲則數俘

誠審功賞然後奏之屯田鑄錢嶺南黔府選補亦視功過糾察決囚徒則與中書舍人金吾將軍莅之國忌齋則與殿中侍御史分察寺觀莅宴射習射及大祀中祀視不如儀者以聞初開元中兼巡傳驛至二十五年以監察御史檢校兩京館驛大歷十四年兩京以御史一人知驛號館驛使監察御史分察尚書省六司繇下第一人為始出使亦然興元元年以第一人察吏部禮部兼監察使第二人察兵部工部兼館驛使第三人察戶

部刑部歲終議殿最元和中以新人不出使無以觀能

否乃命顯察尚書省號曰六察官開元十九年以監察

御史二人莅太倉左藏庫三院御史皆初領繁劇外府

推事其後以殿中侍御史上一人為監太倉使第二人

為監左藏庫使凡諸使下三院御史內供奉其班居正

臺監察御史之上宋初御史多出外任風憲之職以他

官領之太平興國三年詔本司自薦屬官俾正名舉職

天禧元年詔別置御史六員不兼他職月須一員奏事

專任彈舉有急務聽非時入對以殿中丞劉平為監察御史用新詔也嘉祐四年中丞韓絳請置裏行從之熙寧三年除秀州軍事推官李定權監察御史裏行用選人為御史自定始也宋敏求繳詞頭云去歲驟用京官今又幕職官便昇朝著峻處糾繩之地臣恐未厭衆議五年詔祕書殿中內侍省不隸六察如有違慢委言事御史彈奏七年大正官名以言事官為殿中侍御史六察官為監察御史掌吏戶禮兵刑工之事在京百司而

察其謬誤八年詔監察御史兼言事殿中侍御史兼察
事徽宗時辟雍大成府等學太官局翰林儀鸞司東西
上閣門客省引進四方館皆不隸臺察崇寧間大臣欲
其便已而南臺御史亦有不言事者自大觀臣僚申請
而殿中六尚辟雍大成府等學太官局翰林儀鸞司皆
隸六察自余應求有言而東西上閣門客省引進四方
館復隸御史自胡舜陟申請而本臺始增入御史言事
之文乾道二年詔自今非曾經兩任縣令不得除監察

御史著為條令慶元二年侍御史黃黼言御史臺有三

院其一為監察御史高宗時常置六員孝宗常置三員

今分察之任止二人乞增置一員從之以後常置二員

容齋洪氏隨筆曰唐元和中御史中丞王播奏監察御史舊例在任二十五月轉准具員不加今請仍舊其殿中侍御史舊十二月轉具員加至十八月今請減至十月侍御史舊十月轉加至十二月今請減至十二月從之案唐世臺官雖職在拌彈然進退從違皆出宰相不若今之雄紫觀其遷序定限可知矣國朝未改官制任監察滿四年而轉殿中又四年轉侍御又四年解臺職始轉司封員外郎元豐五年以後升沉迴別矣

續文獻通考曰金選監察御史尚書省具才能者疏名

進呈以聽制俟任滿御史臺奏其能否仍視其所察公
事具書于解由以送尚書省如所察事皆無謬戾為稱
則有陞擢庸常者臨期取旨不稱者降除任未滿者不
許改除大定二十七年常令六十以上者為之後臺
官以年老者多廢事為言乃勅尚書於省六品七品內
取六十以下廉幹者備選二十九年令臺官得自辟舉
明昌三年復命尚書省擬注每一缺則具三人或五人之名取旨授之
貞祐元年減定監察御史為十二員興定四年減四員

五年勅監察御史所彈事同列不得與聞著為令御史
秩正七品司耳目之寄任刺舉之事元世祖時立御史
臺以姚天福為監察御史每廷折權臣上嘉其直賜名
巴爾斯謂其不畏強禦猶虎也仍厚賜以旌之天福曰
臣職居糾彈惟尸祿是懼敢貪厚賞以重臣罪乎時置
二大夫綱紀無統天福言於上曰古稱一蛇九尾首動
尾隨一蛇二首不能寸進今臺綱不振有二首之患不
急拯之久將不可理矣上召伊蘇特穆爾博囉諭之博

羅以年幼自劾明制詳總載

監察侍御史二

增唐書曰李素立武德初為監察御史時有犯法不至死者高祖特令殺之素立諫曰三尺之法與天下共之法一動搖則人無所措手足陛下甫創鴻業遐荒尚阻奈何輦轂之下便棄刑書臣忝法司不敢奉旨高祖從之馬周傳曰周客郎將常何家為何條二十餘事皆當世切務太宗怪問何曰此非臣所能家客馬周教臣

言之客忠孝人也帝即召之未至遣使四輩趣之及見與語帝大悅拜監察御史上言比來樂工圉人超授官爵鳴玉曳履與士君子比肩臣竊恥之帝善其言 孔

帖曰魏元忠遷監察御史帝常從容問外以朕為何如主對曰周成康漢文景也然則有遺恨乎曰有之王義方一世豪英而死草萊議者以陛下不能用賢帝曰我適用之聞其死顧已無及元忠曰劉藏器行劄於才陛下所知今七十為尚書郎徒歎彼而又棄此帝默然慙

分紀李善感為監察御史裏行永淳初造奉天宮於
嵩陽縣又於藍田造萬全宮善感極諫時人以此稱之
陸元方傳曰元方為監察御史則天使安輯嶺外將
涉海風濤甚狂舟人不敢舉帆元方曰我受命無私神
豈害我遽命濟而風息 職林曰姚崇用齊澣為監察
御史彈劾違犯先於風教當時以為稱職 孔帖曰孔
禎歷監察御史門無賓謁時稱其介 又曰李華遷監
察御史宰相楊國忠支姪所在橫猾華出使劾按不撓

州縣肅然。又曰韓琬拜監察御史先天中賦絹非時

人多徙亡琬曰御史乃耳目官知而不言尚何賴移檄

罷替乃聞詔可。通鑑曰玄宗有胡人言市舶利上命

監察御史楊範臣往求之範臣奏曰御史天子耳目之

官必有軍國大事臣雖冒觸炎瘴死不敢辭此特胡人

眩惑求媚無益聖德上慰諭而罷。唐書李勉拜監察

御史屬朝廷右武勲臣恃寵多不知禮大將軍管崇嗣

於行在朝堂背闕而坐勉劾之肅宗歎曰吾有李勉始

知朝廷尊矣 孔帖曰張建封馬燧表擢監察御史軍

中事多所諏訪即表其能於朝楊炎將任以要職盧杞
不喜出為岳州刺史 徐晦楊憑得罪獨晦至藍田慰

餞李夷簡擢為監察御史 冊府元龜曰張著為監察

御史冠鴈冠彈京兆尹兼御史中丞嚴郢於紫宸殿帝
即位之初侍御史朱敦請復制朱衣鴈冠於內廊有犯
者御史服以彈帝許之又令御史得專彈舉不復關白
於中丞大夫至是著首行乃削郢御史中丞而著特賜

緋魚袋 韋表微傳曰表微擢進士授監察御史不樂

曰爵祿譬滋味也人皆欲之吾年五十拭鏡撈白冒遊少年間取一班一級不見其味也將為松菊主人不媿陶淵明云 元稹傳曰稹拜監察御史按獄東川因劾奏節度使嚴礪違詔擅賦凡十餘事 劇談錄曰河南

伊闕縣前每僚佐有入臺者即水中灘出石礫金沙清徹可愛牛僧孺為尉一日報灘出縣僚共觀之有老吏曰此必分司御史若是西臺當有一雙鵝鵝僧孺因舉

杯祝曰既成有灘何惜鷺鷥言訖一雙鷺鷥飛下灘中
不旬日僧孺拜察院分紀曰楊虞卿為監察穆宗初
立多逸游荒恣上疏切諫帝令宣付宰臣云虞卿所上
議切諫可覽宰臣令狐楚等因以納諫為賀宋程伊
川撰程顥行狀曰顥權監察御史裏行前後進說甚多
要以正心窒慾求賢育才為先常言人主當防未萌之
欲神宗俯身拱手曰當為卿戒之東都事略曰張戢
召為監察御史裏行每進對必陳古道引大體不舉苛

細論王安石變法非是乞罷條例司及追還常平使者

劉元城集曰劉摯除監察御史欣然就職語家人曰
趣裝無為安居計未及陞對首上疏論事 言行錄曰

傅堯俞為監察御史裏行朱晦子穎士以內降監汭口

鎮而都水監復薦之堯俞言密院既不治穎士求內降
罪而都水又安知其可用而舉之上下相結迭為阿徇
其盜名器將不但一汭口而已乃罷穎士權倖憚焉

詩會小傳曰元王約至元中拜監察御史請建皇儲及

修史事轉御史臺都御史出賑河間饑民均覈有方全活甚衆 又曰李元禮元貞初拜監察御史彈劾無所回撓有旨建五臺山佛寺皇太后將臨幸元禮上疏言其不可行者有五博果密以國語譯而讀之抗言曰他御史懼不肯言唯一御史敢言誠可賞也以章上聞帝沉思良久曰御史之言是也 又曰馬祖常拜監察御史直聲震一時會特們德爾專政祖常率同列劾其十罪仁宗默之姦臣復相左遷開平縣尹 又曰許有壬

轉江西行臺御史劾貪除暴部內肅然拜監察御史

元史列傳曰魏初拜監察御史帝宴羣臣於上都行宮有不能醕大卮者免其冠服初上疏曰臣聞君猶天也臣猶地也尊卑之禮不可不肅昨聞錫宴大臣威儀勿謹非所以尊朝廷正上下也疏入帝欣納之仍諭侍臣曰自今毋復為此舉又曰貢師泰泰定四年釋褐除紹興路總管府推官考滿入翰林歷待制拜監察御史自世祖以後省臺之職南人斥不用及是始復舊制南

士復得居省臺自師泰始時論以為得人 又曰趙師
魯泰定中拜監察御史時大禮未舉師魯言天子親祠
郊廟所以通精誠逆福釐生烝民阜萬物百王不易之
禮也宜鑒成憲講求故事對越以格純嘏帝嘉納焉

又曰余闕轉中書刑部主事與當路議不合拂衣竟歸
復召拜監察御史知無不言言多峭直無忌或勸之稍
遜以避禍闕弗答 吾學編曰尹昌隆洪武中改監察
御史建文即位初朝晏昌隆諫曰太祖高皇帝雞鳴而

起昧爽而朝陛下嗣守大業固宜追繩祖武今乃溺於
晏安臣恐非社稷福也帝曰昌隆言中朕過禮部可頒
示天下使人知朕過 又曰曾鳳韶廬陵人建文初為
監察御史會藩王入覲馳皇道入且不拜鳳韶侍班言
殿上宜展君臣之禮宮中乃敘叔姪之倫由皇道不拜
大不敬帝以至親勿問 牟倫傳曰牟倫敘州青城人
永樂中任監察御史以直諫謫戍甘肅有留別京師諸
友詩 明詩小傳曰鄒亮少善為文援毫無停思輕俠

無行常薄游為人所擊周文襄愛其才訓誡之乃折節好學為名儒正統初用郡守况鍾薦擢為監察御史

明名臣記曰于謙宣德元年授山西道御史從討漢庶人庶人就縛帝命謙數庶人罪辭嚴義正庶人流汗伏地帝喜師還賞謙屬意且大用謙又曰韓雍吳人正

統進士為監察御史奉命錄囚碭山學教諭責膳夫祝磨兒磨兒父令逸去告教諭殺磨兒棄其尸他御史坐教諭死以尸不得故輒稱冤會黃河旁有尸支解者磨

兒父執兒尸也教諭竟誣服雍疑不決遣人蹤跡獲磨
兒教諭得釋姚綬傳曰綬天順中拜監察御史成化

初出知永寧府解官歸作滄江虹月之舟游泛吳越間
作室曰丹邱自稱丹邱先生名臣記曰許進字季升

靈寶人成化進士除監察御史道士以黃白術干湖廣
李總兵不遂誣總兵反汪直欲為已功逮李百口至京
煨成獄下法司讞進發道士奸即日磔道士於市熊
卓傳曰卓弘治中拜監察御史值雷震養鷹坊疏陳時

事帝嘉納之劉瑾之亂大臣科道同日勒令致仕四十
八人以其名榜示天下卓其一也

監察侍御史三

增蘭臺

松廳

上詳通典他名會昌初

因話錄曰察院諸廳各有監察御史鄭路所葺禮察

廳謂之松廳南有古松也吏察主朝官名籍謂之朝簿廳

分察

兼巡

六典曰監察御史掌

分察百僚巡按郡縣糾視刑獄肅整朝儀又五代會要御史臺六負監察謂之分察使

下詳文獻通考

詠竹

裂麻

劇談錄曰唐呂太一拜監察御史裏行自負才華而不即真因詠院中叢竹以寄意

曰濯濯堂軒竹青青耐歲寒心貞徒見賞籜小未成竿宋鞠詠傳詠為監察御史言錢惟演交結丁謂不赴

亳州意圖入相謂人曰若相惟演當取麻制裂之

論權嬖

劾奸邪

唐裴度遷

監察御史論權嬖梗切

元列傳劉敏中至元中拜監察御史權臣桑哥秉政敏中劾其奸邪不報遂辭職歸

言紀綱

陳得失

事略曰呂大防除監察御史裏行首言紀綱賞罰之際未厭四方之

望者有五

言行錄曰彭汝礪權監察御史裏行汝礪在言職非唐虞三代不論初對上十事陳得失利病多

人所難

整肅朝儀

疏論宮市

上詳前

韓愈傳愈言者

遷監察御史上疏極論

決獄乃雨

受命息風

德宗實錄

曰顏真卿字清臣為監察御史五原有冤獄久不決真卿至辯之天方旱獄決乃雨人呼為御史雨下詳監

察

素立守法

商隱雪冤

上詳監察二

山堂肆考

曰唐李商隱擢監察御史

睦州刺史馬昭泰性鷙刻人憚其強嘗誣繫桐廬令李師旦二百餘家為妖蠱有詔御史覆驗皆稱病不肯往商隱曰善良方蒙枉不為申理可乎因請行果雪其冤 舉弟自代 與兄並居

唐列傳韋貫之始為監察御史舉其弟鱣自代及為左補闕鱣代為侍御史 又楊收與兄假並遺直之子假自浙西觀察判官入為監察御史收亦自四川入為監察御史當世榮之 臺閣生風 豪

貴斂手

陳子昂集受憲監察御史繡衣始拜珥筆升朝臺閣以之生風豪貴由是斂手

平仲

氣節

桑慥志行

山堂肆考曰唐段平仲擢監察御史磊落有氣節遇事敢言 又曰宋天

聖中以太常丞桑慥為監察御史慥有志行朝廷間其名而面命之

爭論新法

極陳

時弊

上詳監察四事略曰王巖叟名為監察御史上疏極陳時事之弊以為不絕害源百姓無由樂生

不屏羣邪太
平終是難致

疏忤安石

奏劾李珣

山堂肆考曰錢顓無錫人熙寧

初為監察御史裏行上疏忤王安石貶衢州監稅顓將
出臺於坐上大罵同時御史孫昌齡謂其奴事安石求
為美官遂拂衣上馬赴貶所蘇軾送以詩有烏府先生
鐵作肝霜風捲地不知寒之句世因號鐵肝御史劉
元城集劉庠除監察御史裏行時禁銷金李珣先犯令
庠言法行自貴近始遂劾之英宗曰朕豈私一李珣邪
珣乃仁宗外家若賜緋魚袋辯玉璽文上詳監察
行之天下謂朕何
桓傳至元末桓拜監察御史有得玉璽於穆呼哩曾孫
碩德家者桓辯識其文曰此歷代傳國璽也亡之久矣
今皇太孫龍飛而璽復出其彰瑞應於今日
乎成帝即位疏上時務二十一事帝嘉納之
諫幸佛
寺
奏罷燈山上詳監察二
御史時元夕令出禁中命有司張燈山
趙師魯傳師魯拜監察

為樂師魯上言觀燈事雖微而縱耳目之欲則上累日月之明疏間遽命罷之賜酒一上尊以嘉忠直

嚴明不苛

勁直有才

吾學編曰明軒輒陞監察御史正統元年與御史十六人出清

理軍政清修苦節嚴明不苛人畏服之又曰魏冕建文時為監察御史勁直有才名靖難兵至有約開門者冕率同僚十八人即殿前殿之幾斃會輟朝冕及鄒瑾大呼請速加誅臣等義不與此賊同生不聽靖難後自盡法官請追罪夷其族

監察侍御史四

增判滯獄

山堂肆考曰唐李程為藍田尉有治獄十年不決程單言輒判京兆以狀聞拜監察御史

可使推捕

又曰唐李義琛歷監察御史貞觀中文成公主貢金遇盜於岐州主名不立太宗召

羣御史至目義琛曰此人神情爽拔可使
推捕義琛往數日獲盜帝喜為加七階

夜加二階

唐史曰韓思彥為監察御史昌
言當世得失高宗夜召加二階

時號四其

又曰郭弘霸自陳討

徐敬業臣摺抽其筋食其肉飲其血絕其
髓武后大悅授監察御史時號四其御史

歷園按狀

事文類聚曰唐趙涓永泰初為監察御史時禁中失火
與東宮稍近代宗深疑東宮涓乃周歷墻園按據迹狀

乃上直中官遺火也德宗時在東宮常心感涓及涓刺
衢州年考既深與韓滉不相得奏免涓官德宗見其名

謂宰相曰豈永泰初御史趙
涓乎對曰然即拜尚書左丞

張錫剛正

張錫傳錫為
御史言丁謂

不當徙內地昭應災不當以罪人京師之人
皆曰張御史貌柔和而心剛正真御史也

期以大

用宋程明道權監察御史裏行神宗素知明道從容咨
訪比二三見遂期以大用每將退必曰頻求對來欲

常相見耳

歎為得體

劉述之序程明道為御史裏行神宗名對問所以為御史對曰使臣拾遺

補闕裨贊朝廷則可使臣擢拾臣下短長以沽直名則不能神宗歎賞以為得御史體

張戢狂

直淵源錄曰張戢字天祺除監察御史爭新法章數十

名之使方授又諄中書爭之王安石以扇掩面而笑戢曰戢之狂直宜為參政所笑天下之人笑參政亦不少

矣

開口椒

賈言忠本草監察為開口椒微啟裏行及試員外為合口椒

分僚百

司職官志監察御史從七品掌吏戶禮兵刑工之事分僚百司而察其謬誤凡察事小事則舉正大事則糾

勅籍記其多寡當否歲終條具殿最以詔黜陟

分隸六察

會要乾道八年宰執進呈御史臺事

分隸六察虞允文奏曰祖宗時監察御史却許言事上曰今既分隸六察可許隨事彈奏自此臺綱肅清矣

戮力戎事

吾學編曰明高朔朝邑人洪武中為監察御史諸所論奏皆國家機要當上心建文

時尤戮力戎事相與激發忠義靖難後帝召朔朔服喪服入見大哭語又不遜遂族朔

有志節

又曰董鏞建文時為監察御史有志節效忠本朝者時會鏞所誓不負此心將校懷貳不力戰輒露章劾之

才識宏博

又曰李秉字執中正統元年進士為監察御史才識宏博議論持正已負公輔之望

監察侍御史五

增詩唐韓愈赴江陵途中寄贈詩曰適當除御史誠當得言秋拜疏移閣門為忠寧自謀上陳人疾苦無令絕其喉下陳畿甸內根本理宜優 宋王安石送沈興宗

察院出湖南詩曰諫書平日皂囊中朝路爭看一馬驄
漢節既曾衝海霧楚帆聊復借湖風皇華使命今為重
直道酬君遠亦同投老承明無補助得為湘守即隨公
增制唐蘇頌行鄭繇監察御史制曰心堅而靜體密而
和文章拔發學思該敏諫臣謹議久別瑤墀御史直繩
宜遷石室 孫逖行蔣冽等監察御史制曰修身有裕
從事惟明標麗則於文場効公清於吏道方期遠致必
藉兼才宜膺刈楚之求俾叶持繩之寄 常衮行崔炎

監察御史制曰慎學潤身工文飭吏錯薪刈楚竹箭有
筠莅事咸許於宓生遺風尚傳於絳老公才可擢朝聽
用彰宜甄避蝗之美式踐栖鳥之列 崔淑行蕭鄴李
元監察御史制曰御史府居朝廷之中傑出他署蓋以
圭表百吏糾繩四方故選其屬者必在堅明勁峭臨事
而不撓不獨取謹厚溫文修整咨度而已爾等皆以詞
華升於俊秀從事賢侯之府馳聲館閣之中籌畫居多
操持甚固是宜持此霜簡峻其風標使避馬之謠不獨

美於桓典埋輪之志無所媿於張綱勉服寵榮無忘職
業

增啓宋真德秀賀盛察院啓曰誕頌芝檢分糾柏臺言
路置六察官實司公道之脈聖朝用一正士可立太平
之基漢詔風馳周行霜凜某官英姿挺特素節高嚴卓
爾不羣行庶幾乎大雅睟然見面望而知為吉人自登
百辟之聯浸結九宸之眷容臺禮樂甫參議論之官憲
府紀綱亟任抨彈之寄方將龜鏡國家之治亂涇渭天

下之是非為正論之指南斥儉朋於有北坐令海內如

慶歷嘉祐之隆平肯使吳中獨敬輿希文之專美 楊

誠齋賀金察院啓曰光被宸恩擢司風憲雷行鳳檢方

進登天下之正人霜肅烏臺俾盡吐胃中之素蘊某官

高文作古雅望鎮浮政所去而見思材無施而不可頃

自流錢之府往儀振鷺之羣子衿青青士有文武兼資

之略王臣蹇蹇帝思風節不撓之英遂承渥於楓宸俾

察庶於柏寺邪朋屏迹雪見睍而自消善類寧居虎在

山而不採顧念雖資於彈劾亦難久屈於回翔風采凜然今已杜羣枉之門而開衆正之路鈞衡近止行當建萬世之策而舉三代之隆

蘭臺令史

原冠一梁

秩第九

漢書百官表曰蘭臺置令史十八人朝服進賢一梁冠官秩第九與

御史共詔

所典平處事宜別掌錄上事立草者也

景伯作頌

華譚漢書曰賈逵字景伯有賸

才能通今古時有神爵集宮殿上召見

武仲能文

親

勅蘭臺給筆札作神爵頌除蘭臺令史

典論曰傅毅之文與班固同與弟

班固作本紀

續漢書曰

班固除蘭臺令史與陳宗

尹敏共作世祖本紀也

李尤撰漢記魏文帝典論曰李尤字伯

宗少有文章賈逵薦尤有相如揚雄之風拜蘭臺令史與劉珍等共撰漢記

御史主簿一

原杜氏通典曰漢有御史主簿

張忠為御史大夫署孫寶為主簿

魏晉

以來無聞至隋大業三年御史臺始置主簿二人

隋兼置錄

事人員唐置一員掌付事勾稽省署抄目監印給紙筆其

俸祿與殿中御史同武德末杜淹為大夫以吏部主事

林懷信為之貞觀中自張弘濟為此官之後遂為美職

管轄臺中雜務公廨廚庫檢督令史奴婢配勲散官職

事每食則執黃卷書其譴罰

錄事以下小吏各有差

增文獻通

考曰宋御史臺置推直官二人專治獄事凡推直有四

推曰臺一推臺二推殿一推殿二推主簿一人掌受事

發辰勾檢稽失兼簿書錢穀之事元豐官制行定員分

職裏行推直悉罷檢法官掌檢詳法律

元祐三年改為主簿紹聖三年

董敦逸奏復置

主簿掌勾稽簿書各一人紹興初詔檢法主簿

特令殿中侍御史奏辟紹熙中侍御史林大中以論事

不合去所奏辟檢法官李謙主簿彭龜年亦乞同罷嘉定元年劉渠除檢法官范之柔除主簿以後二職皆闕
御史主簿二

增在北榻

入選門

唐職林曰憲臺之禮雜端在南榻主簿在北榻五代會要曰後唐

天成四年勅諸道賓從即隨府罷臺主簿既為正秩況入選門顯自勅恩須終考限朱穎宜仍舊

點

檢文字

鈎考簿書

續會要曰元豐三年李定請增置主簿一員點檢六案文字元祐元

年大理寺左斷刑架閣庫專委主簿主管下詳通典

御史主簿三

增詘身

孫寶錄曰西漢孫寶張忠者為主簿寶徙入舍祭竈請比鄰忠怪之使所親問曰今兩府高士

俗不為主簿子既為之徙舍甚悅何也寶曰高士不為主簿而大夫君以寶為可一府莫言非士安得獨自高道不可詘身詘何傷且不遭者可無不為況主簿乎忠聞之甚慙上書薦寶經明質直宜備近臣

選

屬

唐高元裕建言紀綱地官屬須選詳中丞

分治職事


會要曰元豐六年九月中丞黃履言

本臺有主簿兼檢法官二員乞復置分治職事詔置主簿并檢法官一員

分掌班籍

又曰中丞

黃履奏本臺主簿檢法官係分掌班籍參預定刑所領職事與他司不同



御定淵鑑類函卷八十九